

Ich hab nuhn von den schächten / stollen vnd fel orten gesagt: nuhn wil ich von den zeichen reden / welche die gerinne geben / die matery so auß der erden gehauwen / das gestein / vñ dise zeichen / wie auch alle andere / die ich erklären wil / seindt der mehrer teil gmeine zeichen der schwäbenden gängen vnd geschütten / mitt denenn so in die tieffe fallendt. So ein klufft / die sich zum gang örttet / des hauptgangs herauß ghet / an welchem teil sie zum gang fellt / muß man ein schacht sincken. So aber ein quärklufft / oder ein flache den selben gang zerteilendt / vorhanden / wan er seiger gericht in die tieffe fellt / so muß man an disem teil / do er den gang / der in die tieffe fellt / zerteillet / einē anderen schacht sinckē / so es aber ein flache klufft ist / zwen oder drey lachter hernach / das ihr tieffer zū sammen fallung möge durch hauwen werden / in welchem vns ein grosse hoffnung matery zū erfinden / von dessen wegen die erdt durch sücht wirt. So aber sie zūvor ist erfunden / so wirt an dem selbigen ort viel mehr matery gfounden: wan aber viel klufft in die tieffe fallen / so soll der Bergkman̄ damitler widerüb die zūsamē fallung / durch hauwē möge / in der mitte deren klufftē / ein schacht sincken / oder die fūrtrefflichere klufft in acht nemē. Diweil aber oft ein gehēgiger gang bey dē gang d̄ seiger gericht in die tieffe fellt / streichet / so muß man am selbigen ort ein schacht sincken / der die klufft oder gang beide creuzweiß zerteillet / oder ein schwebend gang / oder klufft sich dadurch dringe / dan da selbig ligt gewonlich arg verborgen. Es wirt vns auch ein gütte hoffnüg metall auß zehauwē / an disem teil erzeugt / da ein hengiger gang zū einē gang so seiger gericht stretcht / fallet. Derhalbē durchhauwendt die bergkleut das hangendē oder ligendē des hauptgangs / vnd süchen in dem ein aderen / die vnder sich etliche lachter zū dem hauptgang fallen wirt. Ja auch die bergkleut / so dē hauptgang kein klufft oder quärgang zerteilt / den sie im grabē nachfolgen / so durch hauwen sie auch die vbeste gstein des hangenden oder ligendenn / welche fel ort oder quärschlag auch *λεπυπία* heissendē / man hebe an vom stollenn / oder vom ein anderen fel ort zū hauwen. Es habendē auch die bergkleut ein hoffnung / so ein quärgang allein den hauptgang zerteillet / so über das ein gang / der den hauptgang flach zerteilt / an keinem ort sich weiter / dann diser / entblösset / muß man dise seiten des hauptgangs in welchen die selbige fellt / es seye die rechte oder die lincke außgraben / das wir vergwüssert sein mögen / eb sie den selbigen habē mitt sich geschlept. Wann aber diser nach sechs lachtern nicht gsehen wirt / so muß man die ander seiten des hauptgangs grabenn / das wir gewüß mögen abnehmen / eb sie den selbigen zū ruck habē gestossen. Dann die gewercken des hauptgangs / mögen oft woll so nutzlich an disem teil hauwen / da ein gang / so den hauptgang zerteillet / sich widerumb sähen lassert / dann an disem ort da er erstmalen den hauptgang teillet. Die gwercken aber / so sie dē gang / welcher den hauptgang zerteillet / widerüb erfundenn / komendt sie widerumb zū ihrer gerechtigkeit / die sie ettlicher massen haben verlorē. Der gmein man̄ aber vnder den bergkleuten probierent die klufft so von mitternacht streichen / zū dem hauptgang fallendt / herwiderumb verwerffendt sie dise / die von mittag streichen / vnd sagt / das dise dem hauptgang sehr schädlich seyendt / die anderen aber sehr nutzlich. Aber doch hallt ichs dafür / das keiner vnder disen zū verachten seye. Vnd wie ich in dem dritten büch hab angezeigt / das die erfahrung mitt disem nicht zū sammen stimpt / die also vonn gengen vrteilen / also wolte ich auch jermalen exempell an tag bringē einer jettlichen klufft / so vñ gmeinen man̄ verworffen / dadurch ich jr gütte wölte probieren / wo ich nicht wüßte dz es dē nachkommen / wenig / oder gar keinen nutz brächte. Aber so keine klufft oder gang den heuweren im hangendē od ligendē des hauptgangs entblösset werdē / vnd auch sonst nicht viel güter matery d̄ anderen / zūsamē ist gwachsen / so ist es nicht d̄ mühe werdt / dz man̄ ein anderē schacht sinckē. Man soll auch da kein schacht sincken / da sich d̄ gang in zwey od drey teil zerthüt / es seyendt das gnüg